

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-3081/22
Sarajevo, 02.03.2022. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 12. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnik Adi Škaljić-

1. Upućujem inicijativu za finansiranje obnove bibliotečkog fonda osnovnih, srednjih škola i fakulteta koji se nalaze na području Općine.

OBRAZLOŽENJE Na području Općine djeluje četrnaest osnovnih škola, četiri srednje škole (ne uzimajući u obzir privatne ustanove) i jedna visoko obrazovna ustanova. Svaka od tih škola u svom sastavu ima i školsku biblioteku koja je često neadekvatno snabdjevena bibliotečkim fondom ili nedovoljnim brojem primjeraka određene lektire što često učenike stavlja u situaciju da ne mogu doći do potrebne (obavezne) lektire.

2. Upućujem inicijativu „Ime jednog roditelja“.

OBRAZLOŽENJE Udruženje “Zaboravljena djeca rata” pokrenulo je inicijativu “Ime jednog roditelja” kojom su od svih lokalnih zajednica u Federaciji Bosni i Hercegovini tražili da formulare i obrasce prilagode na način da umjesto rubrike IME OCA stoji IME JEDNOG RODITELJA. Ovo udruženje se bavi društvenim i zakonskim priznavanjem djece koja su rođena kao posljedica ratnog silovanja i jedino su udruženje u svijetu koje ima ovakav pristup i bori se za vidljivost ove kategorije. Zbog diskriminacije koju prolaze djeca rođena zbog rata, ali i umanjivanja uloge majke u zakonodavnom sistemu BiH, te diskriminacije i ignorisanje jednoroditeljskih porodica kroz administrativu politiku ovo Udruženje je pokrenulo inicijativu „Ime jednog roditelja“, te je uputilo svim lokalnim zajednicama u FBiH. U entitetu Republici Srpskoj, takva mogućnost već postoji, a inicijativu Udruženja su podrzale sarajevske opštine Stari Grad, Centar, Novo Sarajevo, Ilidža, te opštine Maglaj, Bihać i Zavidovići. Upućujem inicijati da i opština Novi Grad Sarajevo prudruži u provođenju ovo inicijative.

3. Upućujem inicijativu za finansijsku podršku nabavci RTG aparata i OPG aparata za stomatološko snimanje zuba i vilice u DZ Novi Grad.

OBRAZLOŽENJE Problem za kojim se susreću svi stanovnici sa područja Općine Novi Grad Sarajevo jeste nemogućnost pojedinačnog i kompletnog snimanja zuba jer u DZ Novi Grad nema aparata za takvu vrstu snimanja. Građani moraju po takvu uslugu ići u druge općine, u DZ Ilidža ili DZ Omer Maslić. Rješenje bi bilo nabavka rtg aparata i opg aparata za snimanje zuba kako bi ova usluga bila dostupna građanima i građankama u općini prebivališta.

4. upućujem inicijativu da nadležna služba, u saradnji sa Ministarstvom unutrašnjih poslova Kantona Sarajevo razmotri zabranu vožnje polaznicima autoškola radnim danima u intervalima od 7.30 do 9.30 odnosno 15.30. do

17.30.OBRAZLOŽENJE

Sve rute za polaganje vozačkih ispita u Kantonu Sarajevo nalaze se na prostoru naše općine. S obzirom na to da veliki broj stanovnika radnim danima ide na posao krećući se prema centru grada, primjećujemo velike gužve na području Mojmila, Alipašino polje, Švrakina sela i Aneksa. Nerijetko ove gužve dodatno kompliciraju polagači, koji u neadekvatnom terminu vježbaju vožnju. Ove prilike na cestama nesumnjivo na njih prave veliki pritisak. Smatram da postoji potreba i mogućnost da se u gore navedenim terminima vožnja polaznika zabrani, te da su svi ostali termini dovoljni da svi budući vozači i vozačice steknu neophodne vještine.

-Komisija za obilježavanje značajnih događaja i ličnosti-

Komisija za obilježavanje značajnih događaja i ličnosti podnosi inicijativu uvrštavanja datuma 27.6. u općinski program značajnih datuma, a kada se obilježava stradanje specijalaca Odreda Bosna – Vikićevi specijalci; te postavljanje spomen-obilježja na lokaciji Golog brda gdje su se vodile odbrambene bitke. Sve aktivnosti u svoju nadležnost bi trebala preuzeti Općinska služba za boračka pitanja.

Budući da se lokacija borbenih djestava nalazi na graničnom području općina Novi Grad Sarajevo i Vogošća, nejasno je u čijoj je obavezi, odnosno nadležnosti obilježavanje datuma 27.6., s tim da je za ovu komisiju nepoznata i uloga Kantona.

S obzirom da se radi o borabama važnim i za našu općinu i za cijeli grad, te da su Vikićevi specijalci herojski položili svoje živote za našu slobodu, traži se od Općinskog vijeća da ovaj datum uvrsti u naš kalendar i da se dostojno oda počast braniteljima iz reda Specijalne policije.

O ovome je potrebno obavijestiti Koordinaciju boračkih udruženja, kao i Udruženje odreda Bosna, te Službu za boračka pitanja u općini Vogošća i njihova boračka udruženja.

-vijećnica Maja Muftić Dedović-

1. Pokrećem inicijativu da se u Program sanacije lokalnih saobraćajnica uvrsti zahtjev za zaštitu i sanaciju potpornog zida u ulici Bužimska kod broja 15.

2. Pokrećem inicijativu da se u Program za realizaciju projekata u oblasti vodovodne i kanalizacione mreže uvrsti zahtjev za rekonstrukciju vodovodne mreže u ulici Rogatička, zamjena azbestnih cijevi nedovoljnih profila i dotrajale mreže.

-vijećnik Hadžan Konjo-

Da li je Služba za boračka pitanja, rad, socijalna pitanja i zdravstvo bila upoznata sa organiziranim obilježavanjem 30.januara na Sokolju, a mimo Programa obilježavanja značajnih datuma, događaja i ličnosti iz perioda Odbrambeno-oslobodilačkog rata 1992 - 1995. godina i Narodno-oslobodilačkog rata 1941 -1945. godina usvojenog na Općinskom vijeću, i bez uključivanja zaduženog nosioca obilježavanja Udruženja „2 viteška“Novi Grad Sarajevo, te šta se može poduzeti za ukidanje ovakvih paralelizama?

OBRAZLOŽENJE:

Na Sokolju 30. januara ove godine, neformalne grupe, mimo usvojenog Programa obilježavanja značajnih događaja, datuma i ličnosti iz perioda Odbrambeno-oslobodilačkog rata 1992-1995. godine, inicirale su da 27. januar, jedan od datuma kada je odbranjeno Sokolje, obilježavaju mimo znanja Udruženja 2. Viteška mtbr i mimo akata koje je usvojilo Općinsko vijeće Novi Grad Sarajevo.

Ističem da je ovaj datum (27.1.) već uvršten u datume obilježavanja bitaka za odbranu Naselja heroja Sokolje i da se na dostojanstven način obilježava već 26 godina. Obilježavanje ovih datuma je u ranijem periodu, predano i na kvalitetan način vršila Služba za boračka pitanja, rad, socijalna pitanja i

zdravstvo Općine Novi Grad Sarajevo, a zadnjih desetak godina to na dostojanstven način radi Udruženje 2. Viteška mtbr.

Ovo je prvi slučaj od završetka rata do sada da se na području naše općine na ovaj način ne poštuju doneseni akti Općinskog vijeća u ovom segmentu, te se uvode paralelizmi obilježavanja značajnih događaja, datuma i ličnosti, što u konačnici može imati štetne posljedice ukoliko se ove aktivnosti prepuste različitim neformalnim grupama. Prepuštanjem ovih aktivnosti neformalnim grupama derogiramo značaj i ulogu Udruženja 2. Viteška mtbr i njenih boraca koji su do sada s pijetom obilježavali sve događaje, datume i ličnosti iz ratnog perioda ove Viteške brigade, a samim tim i 27. januar 1993. godine, dan odbrane herojskog naselja Sokolje, te otvaramo mogućnost da i neke druge neformalne grupe počnu obilježavati "svoje" značajne datume i događaje.

Upravo, da bi se ovo izbjeglo, Općinsko vijeće i donosi akt pod nazivom "Program obilježavanja značajnih događaja, datuma i ličnosti", a čijem usvajanju prethodi Javna rasprava, te se eventualne korekcije, dopune i sl. mogu uraditi na legalan i legitiman način čime bi se izbjegla pomenuta dešavanja u budućem periodu.

-vijećnik Adnan Gušo-

Postavljam vijećničko pitanje Službi za investicije, Službi za finansije, i JP „LOKOM“ šta se uradilo sa 40.000 KM koji su predviđeni za navodnjavanje stadiona Otoka, da li su prebačeni JP „LOKOM“. Općinsko vijeće donijelo je zaključak da se novac prebaci JP „LOKOM“, te da li je proveden zaključak i da li je raspisan tender da se krene u realizaciju.

-vijećnica Enisa Spahić-

1. Inicijativu za sanaciju trotoara u ulici Želimira Vidovića Kelija.

Trotoar je oštećen te otežava kretanje pješaka, posebno starijih osoba i osoba koje koriste invalidska kolica.

2. Inicijativu za sanaciju oštećenog trotoara u Ilhaminoj ulici, na mjestima je potpuno uništen asfalt zbog čega je otežano kretanje pješaka.

3. Inicijativu za obnavljanje boje biciklističkih staza na područje Općine Novi Grad, posebno u ulicama Želimira Vidovića Kelija i Ante Babića.

4. Inicijativu za poboljšanje sigurnosti pješaka u saobraćaju, molim da se razmotri mogućnost iscrtavanja pješačkog prijelaza/zebre, u ulici Senada Poturka Senčija.

5. Inicijativu za uređenje pješačkih staza koje su građani samoinicijativno kao kratice napravili u ulici Želimira Vidovića Kelija.

-vijećnik Almir Džindo-

1. Inicijativu za postavljanje oglasne table – ulice Hajrudina Šabanije i Aleje Bosne Srebrene
Obrazloženje: Naime, u ulicama koje pripadaju MZ "Dobrinja A" i to ul. Hajrudina Šabanije (br. 2-146, 1-97) i ul. Aleja Bosne Srebrene (br. 101-217), ne postoji niti jedna oglasna tabla kako bi stanovnici iste imali mogućnost da na istoj pronađu informacije koje se odnose na probleme naše lokalne zajednice, a što je u nadležnosti MZ da isto inicira.

S obzirom da se radi o naselju koje je upotpunosti odvojeno od drugih naselja ove MZ, neophodno je u što kraćem roku obezbijediti mogućnost za informisanje stanovnika, po mogućnosti postavljanjem dvije oglasne table koje bi bile dostupne stanovnicima spomenutih ulica.

Naime, problem informisanja o dešavanjima u MZ "Dobrinja A" je prisutan svih prethodnih godina. Građani nisu na transparentan način uopšte informisani. Molimo da hitno postavite oglasne table u naselju, koje čine ul. Hajrudina Šabanije i ul. Aleja Bosne Srebrene.

2. Inicijativu za ugradnju kamere u ulici Braće Mulića

Objašnjenje: U ul. Braće Mulić radi sigurnosti, jer se nalazi ispred O.Š. Ćamil Sijarić, postavljeno je mnogo ležećih usporivača.

Naime, primijećeno je da nesavjesni vozači kada žele ipak brzinu povećaju, bez obzira na postojanje ležećih usporivača. S druge strane, vozila koja svakodnevno prolaze ovom ulicom veoma se oštećuju. Postavljena su po 4 (četiri) ležeća usporivača u sve 4 (četiri) trake (po dvije trake u oba smjera).

Shodno navedenom, a imajući u vidu sigurnost djece, molimo da se na semaforu u ul. Braće Mulić, tj. na semaforu koji se nalazi na izlazu iz školskog dvorišta pomenute škole, postavi kamera, koja će bilježiti prekošćenje brzine u oba smjera.

Dokazano je da na nesavjesne vozače jedini uticaj za korekciju i prilagođavanje vožnje ima postavljene kamera, koje bilježe prekošćenje brzine na osnovu čega slijedi i novčana kazna.

Bitno je napomenuti da pored "loših" ulica, postojeći ležeći usporivači duži vremenski period dodatno prave oštećenja vozilima, koja svakodnevno iz obližnjih naselja prolaze ovom ulicom. Smatramo da je trošak kupovine kamere, u odnosu na pozitivni efekat koji proizvodi, manja investicija, a novčana kazna za nesavjesne vozače je jedina adekvatna mjera za korekciju.

Molimo da ovu Inicijativu pošaljete na adrese koje su nadležne kako bi istu odmah uzeli u razmatranje.

-vijećnik Toni Vukadin -

1. Da se prema JP Lokom uputi zahtjev da se u ulici Olimpijska, kod ulaza 50 i 46 zakrpe rupe u asfaltu.

2. Da se iza zgrade u ulici Lava Tolstoja 1, 2, 3, 4 izgradi park za djecu jer postoji slobodno zemljište a u blizini se ne nalazi nijedan park za djecu.

3. Pokrećem inicijativu da se postavi ograda na jednom mjestu mosta na A transferzali radi sigurnosti pješaka i građana, kako bi se spriječile nesreće

4. Pokrećem inicijativu da se vrati u funkciju dječije igralište u ulici Rudi Čajavec, koje već duži niz godina nije u funkciji iz razloga parkiranja vozila na samom igralištu.

-vijećnik Jasmin Smječanin-

Pokrećem inicijativu da se na svim obilježavanjima na području Općine Novi Grad Sarajevo sve delegacije polažu po jedan ljiljan koji će se obezbijediti preko nadležne Službe.

-vijećnik Vernes Ćosić -

1. INICIJATIVA ZA OGRAĐIVANJE, SANACIJU POSTOJEĆEG I DODAVANJE NOVOG MOBILIJARA U DJEČIJEM IGRALIŠTU NA DOBRINJI IZA TRGA BOSANSKOG SABORA (uz cestu prema Kuli)

Objašnjenje prijedloga inicijative: U ovom djelu Dobrinje pored ovog postoji improvizacija od dječijeg parka, odnosno postavljen je određeni mobilijar na betonsku površinu. Postojeći park je u lošem stanju i stalno izložen dodatnoj devastaciji. Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

2. INICIJATIVA ZA OGRAĐIVANJE, SANACIJU POSTOJEĆEG I DODAVANJE NOVOG MOBILIJARA U DJEČIJEM IGRALIŠTU NA DOBRINJI IZA TRGA ZLATNIH LJILJANA I OSLOBODILACA SARAJEVASABORA (uz cestu prema Kuli)

Objašnjenje prijedloga inicijative: U ovom djelu Dobrinje pored ovog postoji improvizacija od dječijeg parka, odnosno postavljen je određeni mobilijar na betonsku površinu. Postojeći park je u lošem stanju i stalno izložen dodatnoj devastaciji. Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

3. INICIJATIVA ISPRED UDRUŽENJA DAJTE NAM ŠANSU ZA POSTAVLJANJE DVA ŠADRANA PORED INKLUZIVNOG PARKA NA TRGU MEĐUNARODNOG PRIJATELJSTVA

Obrazloženje prijedloga inicijative: Na inicijativu Udruženja, Općina Novi Grad je finansirala izgradnju inkluzivnog dječijeg igrališta 2017. godine, na zelenoj površini ispred Servis centra Dajte nam šansu 1 (Trg međunarodnog prijateljstva). Igralište koriste podjednako – naši korisnici (djeca s poteškoćama u razvoju) te tipična djeca iz obližnjeg vrtića, škole i lokalne zajednice. Izgradnjom igrališta, sam trg – naselje je značajno „oživjelo“. Međutim, ono što nedostaje, kako nama tako i stanovnicima lokalne zajednice jesu klupe i hladovina – što ograničava vrijeme korištenja parka. Kako bi se djeci s poteškoćama i djeci iz zajednice omogućilo da potpuno iskoriste dan boravkom na svježem zraku, potrebno je izgraditi barem dvije nadstrešnice/sjenice kojim bi istovremeno dobili klupe i stolove za rad (radionice za djecu s poteškoćama, inkluzivne radionice i sl.) ali i zaštitu od sunca i padavina (u prilogu fotografije predloženog). Također, potrebno je postaviti i par kanti za otpatke. Preduzeće Park bi obezbjedilo stručnu i radnu snagu. Općina bi trebala obezbjediti materijal.

-vijećnik Mirza Memišević-

1. Sugrađanka Indira Zeković obratila mi se s molbom da uputim sljedeća pitanja: da li je izgradnja stepeništa u ulici Smaje Šikala 12 na parceli koja graniči sa parcelom Indire Zeković urađena prema važećim propisima i prema pripremljenom projektu te zbog čega Indira Zeković ne može pristupiti svim relevantnim dokumentima u vezi ove gradnje.

S obzirom da se ignorisanjem postavljenih pitanja zašlo u grubo kršenje Poslovnika o radu Općinskog vijeća Novi Grad Sarajevo Član 97. Stav 7 još jedanput ponavljam pitanja i insistiram na odgovorima Predsjedavajućeg Općinskog vijeća Mirze Selimbegovića koji se prema navedenom članu stara da vijećnici dobiju odgovore: Da li je na obilježavanje godišnjice stradanja u Kalinoviku otišlo rukovodstvo ili dio rukovodstva Općinskog vijeća ili neki drugi vijećnici? Na koji način je napravljen odabir vijećnika koji su išli na obilježavanje? Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovic - Sarajevo i obrnuto. Kojim povodom su, ako su bili, posjetili Umoljane?

-vijećnik Mirza Selimbegović-

1. Inicijativa za rješavanje saobraćaja u mirovanju za naselje ANEX ul. Prijedorska. Savjet MZ je poslao već ranije zahtjev i za proširenje parkinga i izgradnja novih, ali dok se to ne riješi stanovnicima spomenute ulice će mnogo značiti i da se samo ocrtaju parking mjesta ispred njihovih zgrada kako bi se vozila pravilno parkirala i kako bi dobili mogućnost da se parkira više automobila. proširenje koje je ranije urađeno je nedovoljno da bi zadovoljilo potrebe stanara okolnih zgrada tako da se moli da se iznađe rješenje da se napravi dodatni broj parking mjesta, na slici je prijedlog da se na neoznačenoj površini ocrtaju parking mjesta nakon što se napravi spoj saobraćajnica koji bi se koristio samo u jednom pravcu i da se pored mogu parkirati automobili.

2. Inicijativa za izgradnju odgojno obrazovnog objekta u naselju Bojnik sa pratećim sadržajima i sportskim plohama.

prema raspoloživim informacijama vojni objekat tj kasarna Butile u naselju Bojnik je proglašen neperspektivnom vojnom imovinom. Trenutno se koristi jedan manji dio objekata u vojne svrhe tako da smatramo da se jedan dio kasarne koji se nalazi u samom naselju preko puta Džamije Bojnik može iskoristiti za društveno korisne sadržaje i objekte a to je svakako škola i prateći sadržaji.

Molimo da se ispita navedena mogućnost jer je Bojnik naselje koje je u velikoj ekspanziji i ima problem udaljenosti osnovnih škola kao i predškolskih ustanova jeste naselje Bojnik, djeca iz ovog naselja su primorani da koriste gradski saobraćaj da bi došla do škole. Roditelji manje djece moraju odvojiti po nekoliko sati da bi djecu doveli do škole i nazad do kuće. Situacija sa GRASovim prevozom koji je nedovoljan i neadekvatan za broj putnika koji ga koriste dodatno otežava situaciju pored toga što djeca moraju da pješače po nekoliko kilometara do autobuske stanice.

Jedan broj učenika ide u VI OŠ Ilidža (Bare kod Stupa) i prema informacijama kojima raspolažemo oko 1/3 učenika ove škole dolazi iz ovog naselja, a određen broj u OŠ Dobroševići tako da to nije zanemariv br.pored toga ovo je naselje koje nema prostora da se na drugim lokacijama može graditi bilo koji društveno koristan sadržaj. Molim vas da uputite inicijativu svim nadležnim i da se naša služba uključi u skladu sa svojim mogućnostima da se ispoštuju potrebne procedure.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a